



**Rvperti Ab||batis Monasterii || Tvitiensis Ordinis S.
Benedicti The||ologi antiqui, Opera duo, ut egregia sanè,
ita diu desiderata, multoq[ue] || labore perquisita, ac
sumptu haud ita modico ...**

Rupert <von Deutz>

Colonia, M. D. XXVI.

VD16 R 3796

De plaga illa confusionis, in quo profuerit, & cui personæ magis congruat
dixisse cæteris: uenite descendamus & confundamus.

[urn:nbn:de:hbz:466:1-71860](https://nbn-resolving.org/urn:nbn:de:hbz:466:1-71860)

**De plaga illa confusionis, in quo profuerit, & cui personæ magis con-
gruat dixisse ceteris. Venite descendamus & confundamur.**

Caput XX.



Gitur plaga quidem grandis accidit mundo, ubi facta est linguarum confu-
sio, sed in eo non minime profuit, quod & Pagani & Iudæi, maxieq; hæreti-
ci, per Asiam, Europamq; & Africam disseminati, minus turrim suam con-
fusibilem ædificare potuerunt contra ueritatem, quam si fuissent omnes lan-
guarum huius est & sermonum eorundem. ¶ Cui autem personæ magis con-
gruit dixisse ceteris: Venite descendamus & confundamus linguam eorum. Putas ne
personæ filij? Deniq; ubi plaga confusionis illius sananda erat, personæ hæc scilicet filius
loquens Apostolis iuis: Et ego, (inquit) rogabo patrem, & alium paracletum dabit uobis.
Et hoc ita factum est, ita linguarum diuisio, quæ propter superbiam acciderat, refor-
mata est per eiusdem paracleti spiritus sancti aduentum, ut in ore eorum omnium genera-
nascerentur linguarum. Quia ergo rogante filio sic futurum erat, & sic factum est, dele-
tabile nobis est ascribere personæ huic, illud dictum ad patrem & spiritum sanctum. Ve-
nite descendamus & confundamus linguam eorum: quia uidelicet & ista noua & illa uer-
tera omnia propter ipsum facta sunt. Veruntamen uerba illa, uenite descendamus & con-
fundamus, non iam sic accipimus tanquam uerba rogantis, quia uidelicet rogare minoris
est. At ille scilicet filius, non tunc erat minor, sed quando factus est homo, tunc paulo mi-
nus minoratus est, non solum à patre & spiritu sancto, uerum etiam ab angelis: quia secun-
dum humanam naturam pati potuit, & mori: quod nimirum rogare fuit. Moriendo quip-
pe, sacrificium factus est pro nobis. Melius igitur atq; fidelius uerba illa, uenite descenda-
mus, confundamus, sic accipimus tanquam sapientiæ consulentiis, & cum deo cuncta
componentis, sicut habemus in parabolis, quæ uidelicet sapientia, ipse est filius dei. Pro-
cedamus ulterius.

Persona filij
de confusione
linguarum con-
filiam dedit.
Iohan. 14

Actu. 2

Gene. 9.

Heb. 2.

Psal. 2.

Heb. 5.

Prouer. 8

**De fide patris Abrahæ credentis promissionibus beati seminis, & de eo
quod tres uidit, unum adorauit.**

Ca. XXI.



In parte agri, quam nunc attingimus, in loco scripturæ, in quem nunc pro-
gredimur, splendet fides patris nostri Abrahæ, credentis promissionibus
beati seminis. Et hic o beata trinitas deus præclare fulget, nec multum abs-
conditus est thesaurus tui nominis, uidelicet, in tribus hominibus magnis,
& in tribus designatus angelis. Tres homines principium magnæ gentis
sunt, Abraham, Isaac & Iacob: super quibus hodieq; audimus te profitentem, ego sum de-
us Abraham, & deus Isaac, & deus Iacob. De tribus angelis taliter scriptura dicit: Appa-
ruit autem dominus Abrahæ in conualle Mambrae sedenti in ostio tabernaculi sui, in ipso
feruore diei. Cunque eleuasset oculos, apparuerunt ei tres uiri stantes propter eum. Quos
cum uidisset, cucurrit in occursum eorum de ostio tabernaculi sui, & adorauit in terra & di-
xit: Domine, si inueni gratiam in oculis tuis, & ne transeas seruum tuum, & cætera. Illius
diei festiuitas quanto notior, & quanto est celebrior, tanto ad concelebrandum omnis ser-
mo noster est pauperior. ¶ Quis enim nescit, quis non audiuit, quia noster secundum fi-
dem pater Abraham illo die in ipso feruore diei tres uidit, & unum adorauit? Tres quip-
pe uiros uidebat, quibus occurrens & adorans non dixit, domini si inueni gratiam in oculis
uestris, sed domine (inquit) si inueni gratiam in oculis tuis. Hoc fuit adorare unum, in aspe-
ctu trium. Quid autem sibi uult illud conuiuium trium angelorum, nasciturum Isaac pro-
mittentium, cum risu & gaudio tales hospites suscipientium? Paulo supra triserat senex
Abraham, sicut scriptura dicit: Cecidit Abraham in faciem suam, & risit dicens in corde
suo, putas ne cætenario nascetur filius, et Sara nonagenaria pariet? Et hic dicente domino,
qui apparuerat in tribus personis angelorum, reuertens teniam ad te tempore isto, uita co-
mite, & habebit filium Sara uxor tua, risit Sara post ostium tabernaculi: risit (inquam) occul-
te, & dicente domino ad Abraham: Quare risit Sara dicens, num uere paritura sum anus?
Sara timore perterrita negauit, dicens, non risi. Dominus autem non est (inquit) ita sed risi-
sisti. Quid (inquam) sibi uult illud conuiuium trium hospitem, risu senum, & iubilo cele-
bratum.

Figura trinitatis
apertissima
in tribus
angelis coram
Abraham

Exo. 3
Gene. 18

Tres uidit, &
unum adora-
uit.

Gene. 17.

Gene. 18.